

Në bazë të nenit 24, paragrafi (1), pika 1) nënparagrafi 17 dhe nenit 44 paragrafi (2) të Ligjit të Energjetikës ("Gazeta Zyrtare e Republikës së Maqedonisë" nr. 96/18 dhe "Gazeta Zyrtare e Republikës së Maqedonisë së Veriut" nr. 96/19) dhe nenit 15 të Rregullores së Licencave („Gazeta Zyrtare e Republikës së Maqedonisë së Veriut“ nr. 51/19, 54/19, 214/19, 114/20, 246/20 dhe 44/21), Komisioni Rregullator i Energjetikës dhe i Shërbimeve të Ujit i Republikës së Maqedonisë së Veriut, në seancën e mbajtur më 16 maj 2022, solli këtë

VENDIM
PËR DHËNIEN E LICENCËS PËR KRYERJEN E VEPRIMTARISË ENERGETIKE
TË PRODHIMIT TË ENERJISË ELEKTRIKE

1. Shoqërisë së Tregtisë dhe të Shërbimeve JUS MB SHPKNJP f. Saraj Shkup, i jepet licencë e kryerjes së veprimtarisë energjetike të prodhimit të energjisë elektrike nga centrali elektrik diellor CED "JUS MB".
2. Licenca e kryerjes së veprimtarisë energjetike të prodhimit të energjisë elektrike është dhënë në shtojcë, e cila është pjesë përbërëse e këtij vendimi.
3. Në ditën e hyrjes në fuqi të këtij vendimi, nuk vlen më Vendimi për Dhënie e Licencës për Kryerjen e Veprimtarisë Energjetike të Prodhimit të Energjisë Elektrike nga centrali elektrik diellor CED "JUS MB" („Gazeta Zyrtare e Republikës së Maqedonisë së Veriut“ nr. 4/22).
4. Ky vendim hyn në fuqi në datën e sjelljes së tij dhe botohet në "Gazetën Zyrtare të Republikës së Maqedonisë së Veriut" dhe publikohet në faqen e internetit të Komisionit Rregullator të Energjetikës dhe të Shërbimeve të Ujit të Republikës së Maqedonisë së Veriut.

PA1 nr. 12-113/22
16 maj 2022
Shkup

Kryetari i
Komisionit Rregullator të Energjetikës dhe të Shërbimeve
të Ujit i Republikës së Maqedonisë së Veriut
Марко Бислимоски

Shtojcë:

**LICENCË
PËR KRYERJEN E VEPRIMTARISË ENERGETIKE
TË PRODHIMIT TË ENERGISË ELEKTRIKE**

1. Emri dhe selia e bartësit të licencës:

Shoqëria e Tregtisë dhe Shërbimeve JUS MB SHPKNJP f. Saraj Shkup, me seli në rr. "1723" nr. 24 Shkup- Saraj, Saraj, Republika e Maqedonisë së Veriut

2. Veprimtaria energjetike, për të cilën jepet licenca: Prodhim i energjisë elektrike

3. Data e dhënies së licencës: 16 maj 2022

4. Data e skadimit të licencës: 16 maj 2057

5. Numri evidentues i licencës së dhënë: EE-ПРОИЗ-528-2022

6. Numri amzë: 6001645

7. Numri tatimor: 4030005554862

8. Rajoni ku kryhet veprimtaria energjetike

Bartësi i licencës, veprimtairnë energjetike të prodhimit të energjisë elektrike e kryen nga centrali elektrik diellor CED "JUS MB" në objektin në PK nr.10711/16, KK Saraj, komuna e Sarajit.

9. Detyrimet e përgjithshme të bartësit të licencës

Bartësi i licencës është i detyruar:

- të punojë në përputhje me nenin 70 të Ligjit të Energjetikës*,
- të sigurojë prodhim dhe dërgesë të sigurt, të vazhdueshme dhe cilësore të energjisë elektrike deri në pikën e pranimit në sistemin e shpërndarjes së energjisë elektrike,
- t'i sigurojë operatorit të sistemit të transmetimit të energjisë elektrike, operatorit të tregut të energjisë elektrike, operatorit të sistemit të shpërndarjes së energjisë elektrike, të gjitha informatat e nevojshme dhe të dhënat që janë të domosdoshme për kryerjen e detyrimeve të tyre që rrjedhin nga licencat, në përputhje me Rregullat e Rrjetit të Transmetimit të Energjisë Elektrike, Rregullat e Rrjetit të Shpërndarjes së Energjisë Elektrike dhe Rregullat e Tregut të Energjisë Elektrike,
- të dërgojë raporte për pajisjen, impiantet, planet e mirëmbajtjes dhe disponueshmërinë e planifikuar deri te operator i sistemit të shpërndarjes së energjisë elektrike, në përputhje me Rregullat e Rrjetit të Shpërndarjes së Energjisë Elektrike,
- të dërgojë të dhëna dhe informata në përputhje me Rregulloren e Mënyrës dhe të Procedurës së Ndjekjes së Funkcionimit të Tregjeve të Energjisë,
- të dërgojë njoftime për të gjitha rrethanat, ngjarjet dhe ndryshimet, të cilat kanë apo mund të kenë ndikim në kryerjen e veprimtarisë energjetike,
- të udhëheqë kontabilitet të veçantë për secilën veprimtari energjetike veçmas që e kryen apo për veprimtari të tjera që i kryen,
- t'i respektojë dhe të punojë në përputhje me Rregullat e Tregut të Energjisë Elektrike, Rregullat e Balancimit të Sistemit Elektro-Energjetik, Rregullat e Rrjetit të Shpërndarjes së Energjisë Elektrike si dhe në përputhje me rregulloret dhe rregullat e tjera, që i sjell dhe i miraton Komisioni Rregullator i Energjetikës dhe i Shërbimeve të Ujit i Republikës së Maqedonisë së Veriut në bazë të Ligjit të Energjetikës*,

- të mundësojë qasje të drejtpërdrejtë me kërkesë të Komisionit Rregullator të Energjetikës dhe të Shërbimeve të Ujit të Republikës së Maqedonisë së Veriut, në dokumentacionin e përgjithshëm që i referohet kryerjes së veprimtarisë energjetike, për të cilën është dhënë licenca, në pajtim me Rregulloren e Licencave.
- të punojë në përputhje me ligjet, rregullat e tjera dhe aktet e përgjithshme të Republikës së Maqedonisë së Veriut, posaçërisht ato që i referohen kryerjes së veprimtarisë së prodhimit të energjisë elektrike, mbrojtjes së konkurrencës, mbrojtjes së konsumatorëve, mbrojtjes së mjedisit jetësor, jetës dhe shëndetit të njerëzve dhe mbrojtjes gjatë punës

10. Detyrimi për dërgimin e Raportit Vjetor të Punës

Bartësi i licencës është i detyruar që, deri te Komisioni Rregullator i Energjetikës dhe i Shërbimeve të Ujit të Republikës së Maqedonisë së Veriut, më së voni deri më 31 mars të vitit vijues, të dërgojë raport vjetor pune duke përfshirë edhe raportin e punës financiare dhe afariste gjatë vitit të kaluar.

Raporti vjetor me të gjitha shtojcat e tij duhet të dërgohet edhe në formë elektronike.

Raporti vjetor duhet të përmbajë të dhëna për:

- 1) përshkrimin dhe vëllimin e kryerjes së veprimtarisë energjetike gjatë vitit,
- 2) llogarinë përfundimtare vjetore me të gjitha shtojcat,
- 3) masat e marra gjatë vitit raportues për:
 - mbrojtjen e objekteve dhe pajisjeve nga ndikimet e jashtme dhe aksidentet dhe sigurimin e objekteve dhe pajisjeve për kryerjen e veprimtarisë energjetike,
 - siguri dhe shëndet gjatë punës,
 - ekipim kuador, trajnim dhe përsosje profesionale të të punësuarve,
 - mbrojtjen e mjedisit jetësor, jetës dhe shëndetit të njerëzve,
 - kryerjen e monitorimit të punës,
 - kryerje të veprimtarive në kushte të gjendjes së krizës, ndryshimin e kushteve në tregun botëror si dhe në gjendje lufte apo të jashtëzakonshme,
- 4) kryerjen e programit vjetor për riparime
- 5) realizimin e planit të punës, që i referohet vitit përkatës,
- 6) monitorime inspektoriale të kryera nga organet kompetente dhe organet e tjera shtetërore, me kopje të bashkëngjitura të procesverbaleve, raporteve dhe aktvendimeve të monitorimeve dhe të kontrolleve të kryera.

11. Besueshmëria e informatave

Bartësi i licensës është i detyruar që në pajtueshmëri me ligjin, të sigurojë besueshmërinë e të dhënave afariste dhe informatave gjatë kryerjes së veprimtarisë energjetike të prodhimit të energjisë elektrike.

12. Cilësia e shërbimit

Bartësi i licencës duhet të sigurojë mjete teknike dhe kushte të tjera që mundësojnë cilësi konstante të energjisë elektrike të prodhuar, në përputhje me Rregullat e Rrjetit të Shpërndarjes së Energjisë Elektrike.

Bartësi i licencës duhet të kryejë monitorim të vazhdueshëm të parametrave që e përcaktojnë cilësinë e energjisë elektrike të prodhuar dhe me kërkesë të Komisionit Rregullator të Energjetikës dhe të Shërbimeve të Ujit të Republikës së Maqedonisë së Veriut, të dërgojë raport me shkrim për lëvizjen e të gjithë parametrave që e përcaktojnë cilësinë e energjisë elektrike të prodhuar në periudhën e përcaktuar kohore.

13. Matja e energjisë elektrike dhe e fuqisë së prodhuar

Matja e energjisë elektrike të prodhuar, gjegjësisht të dërguar në sistemin e shpërndarjes së energjisë elektrike, kryhet në vendin matës përlogaritës në mënyrë dhe procedura të përcaktuara në përputhje me Rregullat e Rrjetit të Shpërndarjes së Energjisë Elektrike.

14. Ndryshimi, vazhdimi, transmetimi, ndërprerja, pezullimi dhe heqja e licencës

Ndryshimi, vazhdimi, transmetimi, ndërprerja, pezullimi dhe heqja e kësaj licence do të kryhet në përputhje me dispozitat e Ligjit të Energjetikës* dhe Rregullores së Licencave.

15. Masat në rast të mosplotësimit të detyrimeve nga ana e bartësit të licencës

Nëse bartësi i licencës nuk i plotëson kushtet e përmbajtura në këtë licencë, Komisioni Rregullator i Energjetikës dhe i Shërbimeve të Ujit të Republikës së Maqedonisë së Veriut do të marrë masa në përputhje me Ligjin e Energjetikës* dhe Rregulloren e Licencave.

16. Kapacitet prodhuese, me të cilat kryhet veprimtaria energjetike

Bartësi i licencës e kryen veprimtarinë energjetike, prodhim të energjisë elektrike nga Centrali Elektrik Diellor CED "JUS MB", me karakteristikat teknike në vijim:

- a) emri i centralit elektrik diellor: CED "JUS MB"
- b) fuqia e centralit elektrik diellor sipas paneleve fotovoltaike: 999 kW
- c) fuqia e centralit elektrik diellor sipas inverterëve: 900 kW
- d) viti i fillimit dhe i përfundimit të ndërtimit: viti 2021
- e) viti i fillimit të punës: viti 2022
- f) jetëgjatësia e paraparë e CED: 35 vite
- g) të dhënat për pajisjen:
 - lloji dhe prodhuesi i paneleve fotovoltaike: monokristalore, SPP450NHJH, Sunport
 - numri i paneleve fotovoltaike: 2 220
 - fuqia e paneleve fotovoltaike: 450 W
 - lloji, prodhuesi dhe të dhënat nominale të inverterit: X3-60K-TL, SOLAX POWER, 1.100 V, 60 kW, 3ph, fuqia 60 kW, 15 inverterë
- h) rrezatimi vjetor diellor në atë lokacion: 1.526,9 kWh/m²
- i) prodhimi i pritur vjetor i energjisë elektrike: 1.172 MWh